

文淵閣

影印

四庫全書

影印

文淵閣四庫全書

第九〇五冊

北京出版集團公司
北京出版社

本冊目次

冊
府
元
龜(四)

宋
楊 王欽若
億 等奉敕撰……一

欽定四庫全書

子部
冊府元龜卷一百六十三至

詳校官中書臣涂日煥

員外郎臣牛稔文覆勘

總校官庶吉士臣何思鈞

校對官中書臣宋枋遠

膳錄監生臣任楫文

欽定四庫全書

冊府元龜卷一百六十三 宋 王欽若等 撰

帝王部

招懷

傳曰招攜以禮懷遠以德賈誼所謂降者親酌而手食之以懷其心乃五餌之一也蓋王者創業垂統握契御辯征不諛討不庭推亡固存式遏亂畧必使威加于外信著于內榮驚華心英俊入用輔成大業光昭帝圖如斯而已矣故其始也或喻之以文告或結之以要誓推心置腹曠然不疑分茅胙土待之不次以至賜田宅以安之錫臧獲以寵之其旨也

欽定四庫全書

冊府元龜
卷一百六十三

漢高祖五年十二月既平項籍齊王田橫懼誅與其徒屬五百餘人入海居嶋中海中山曰嶋帝聞之以橫兄弟本定齊齊人賢者多附焉今在海中不收後恐有亂廼使赦橫罪而召之橫謝曰臣烹陛下之使酈食其今聞其弟商為漢將而賢臣恐懼不敢奉詔請為庶人守海

鳴中使還報帝廼詔衛尉酈商曰齊王橫即至人馬從

者敢動搖者致族夷

言平除其族

廼復使使持節具告以詔

意曰橫來大者王少者乃侯耳

大者謂橫身少者其徒屬

不來且發

兵加誅橫廼與其客二人乘傳詣雒陽

十年九月代相國陳豨反帝東至邯鄲令周昌選趙壯

士可令將者白見四人

白於天子而召見也

帝嫚罵曰

嫚者濞汗也

豎

子能為將乎四人慙皆伏地帝封各千戶以為將左右

諫曰從入蜀漢伐楚賞未徧行今封此何功帝曰非汝

欽定四庫全書

冊府元龜
卷一百六十三

二

所知陳豨反趙代地皆豨有吾以羽檄徵天下兵未有

至者

檄者以木簡為書長尺二寸用徵召也其有急事則加以鳥羽挿之示速疾也魏武奏事云今邊有

警報露挿羽微

今計唯獨邯鄲中兵耳吾何愛四千戶不以慰

趙子弟皆曰善

十一年五月詔曰粵人之俗好相攻擊前時秦徙中縣

之民南方三郡使與百粵雜處會天下誅秦南海尉陀

居南方長治之甚有文理中縣人以故不耗減粵人相

攻擊之俗益止俱賴其力今立陀為粵王使陸賈即授

璽綬陀稽首稱臣

文帝元年以南粵王陀親屬在真定廼為置守邑

親謂父母

也歲時奉祀召其從昆弟尊官厚賜寵之詔丞相陳平

舉可使粵者平言陸賈先帝時使粵帝召賈為大中大

夫謁者一人為副使賜陀書曰皇帝謹問南粵王甚苦

心勞意朕高皇帝側室之子

言非正嫡所生也

棄外奉北藩于

代道里遼遠壅蔽樸愚未嘗致書

言未得通使於粵

高皇帝棄

羣臣孝惠皇帝即世高后自臨事不幸有疾日進不衰

欽定四庫全書

冊府元龜
卷一百六十三

三

言疾病益甚也

以故詩暴乎治

詩垂也

諸呂為變故亂法不能獨

制廼取他姓子為孝惠皇帝嗣賴宗廟之靈功臣之力

誅之已畢朕以王侯吏不釋之故

辭讓帝位不見置也

不得不立

今即位乃者聞王遺將軍隆慮侯書求親昆弟請罷長

沙兩將軍

陀之昆弟在故鄉者求訪之而兩將軍將兵繫城者請罷之以賓附於漢也言親昆弟者

謂有服屬者也

朕以王書罷將軍博陽侯親昆弟在真定者已

遣人存問修治先人冢前日聞王發兵於邊為寇災不

止當其時長沙苦之南郡尤甚雖王之國庸獨利乎

言越

兵寇連長沙南郡皆厭苦之而漢軍亦當相拒方有戰鬪於越亦非利也

將吏寡人之妻孤人之子獨人父母得一亡十朕不忍

為也朕欲定地犬牙相入者以問吏吏曰高皇帝所以

介長沙土也介隔也朕不得擅變焉吏曰得王之地不足

以為大得王之財不足以富服嶺以南王自治之嶺山

名也長沙南界也雖然王之號為帝兩帝竝立亡一乘之使以

通其道是爭而不讓仁者不為也願與王分棄前患此彼

共棄故云分終今以來通使如故從今通使至於終久故云今以來也故使賈

欽定四庫全書

冊府元龜
卷一百六十三

馳諭告王朕意王亦受之母為寇灾矣上褚五十衣中

褚三十衣下褚二十衣遺王以縣裝衣曰褚上中下者

願王聽樂娛憂存問鄰國謂東越及陸賈至南粵王恐

乃頓首謝願奉明詔長為藩臣奉貢職因使者獻白璧

一雙翠鳥千犀角十紫貝五百桂蠹一器桂樹中蠹也漢書常以

獻陵廟載以赤穀小車此虫食桂故味辛而漬之以蜜食之也生翠四十雙孔雀二雙

平帝元始二年募汝南南陽勇敢吏士三百人諭說江

湖賊成重等二百餘人皆自出送家在所收事言身既自出又

各送其家人詰本重徙雲陽重成重也作賊賜公田宅

後漢光武建元元年九月辛卯朱鮪舉城降初帝即位

拜岑彭廷尉行大將軍事與大司馬吳漢大司空王梁

建義大將軍朱祐右將軍侯進偏將軍馮異祭遵王霸

等圍雒陽數月朱鮪等堅守不肯下帝以彭嘗為鮪校

尉令往說之鮪在城上彭在城下相勞苦歡語如平生

彭因曰彭往者得執鞭侍從蒙薦舉拔擢常思有以報

恩今赤眉已得長安更始為三王所反皇帝受命平定

欽定四庫全書

冊府元龜
卷一百六十三

燕趙盡有幽冀之地百姓歸心賢俊雲集親率大兵來

攻雒陽天下之事近其去矣公雖嬰城固守將何待乎

鮪曰大司徒被害時鮪與其謀與音預又諫更始無遣蕭

王北伐誠自知罪深彭還具言於帝帝曰夫建大事者

不忌小怨鮪今若降官爵可保况誅罰乎河水在此吾

不食言指河以為信言其明白也彭復往告鮪從城上下索曰必信

可乘此上彭趣索上鮪見其誠即許降後五日鮪將輕

騎詣彭顧敕諸部將曰堅守待我我若不還諸君徑將

大兵上輟轅歸鄧王乃面縛與彭俱詣河陽帝即解其縛召見之復令彭夜送鮪歸城明旦悉其衆出降拜鮪為平狄將軍封扶溝侯

二年正月更始復漢將軍鄧舉輔漢將軍于康降皆復爵位

三年西州大將軍隗囂奉奏帝素聞其風聲報以殊禮言稱字用敵國之儀所以慰藉之良厚

慰安也藉薦也言安慰而薦藉

之良甚也初囂據涼州鄧禹承制遣使持節命囂為西州大

欽定四庫全書

卷一百六十三

六

將軍得專制涼州朔方事及赤眉去長安欲西上隗囂遣將軍楊廣迎擊破之又追敗之於烏氏涇陽間囂既有功於漢又受鄧禹爵署其腹心議者多勸通使京師囂乃上書詣闕時陳倉人呂鮪擁衆數萬與公孫述通寇三輔囂復遣兵佐征西大將軍馮異擊之走鮪遣使上狀帝報以手書曰慕樂德義思相結納昔文王三分猶服事殷但駕馬鈐刀不可強扶數蒙伯樂一顧之價而蒼蠅之飛不過數步即託驥尾得以絕羣隔於盜賊

聲聞不數將軍操報款誠扶傾救危南拒公孫之兵北

御羌胡之亂是以馮異西征得以數千百人躡躅三輔

微將軍之助則咸陽已為他人禽矣今關東寇賊往往

屯聚志務廣遠多所不暇未能觀兵成都與子陽角力

臣欽若等曰子陽公孫述字也如令子陽到漢中三輔願因將軍兵馬

鼓旗相當儻肯如言蒙天之福即智士計功割地之秋

也管仲曰生我者父母成我者鮑子自今以後手書相

聞勿用傍人解構之言自是恩禮愈篤其後公孫述數

欽定四庫全書

卷一百六十三

七

出兵漢中遣使以大司空扶安王印綬授囂囂自以與述敵國耻為所臣乃斬其使出兵擊之連破述軍以故蜀兵不復北出是年劉永將慶吾斬永首降封吾為列侯帝又徵馮魴為虞令魴當王莽末四方潰畔聚賓客招豪傑作營壘以待所歸待真主也時天下未定而四方之士擁兵矯稱者甚衆唯魴自守兼有方略帝聞而嘉之徵詣行在所見於雲臺拜官

五年四月河西大將軍竇融始遣使貢獻帝賜融璽書

黃金二百斤授涼州牧後融與五郡太守共砥厲兵馬

上疏請師期以討隗囂帝深嘉美之賜融外屬圖及大

史公五宗外戚世家

景帝子十三人為王而冊五人同母者為一宗故曰五宗言景帝以

實氏所生而致子孫衆多也

魏其侯列傳詔報曰每追念外屬孝景

皇帝出自實氏定王景帝之子朕之所祖昔魏其一言

繼統以正長君少君遵奉師傅脩成淑德施及子孫

施延

也音羊

此皇太后神靈上天祐漢也從天水來者寫將

軍所讓隗囂書痛入骨髓叛臣見之當股慄慙愧忠臣

欽定四庫全書

晉府元龜
卷一百六十三

八

則酸鼻流涕義士則曠若發矇非忠孝慈誠孰能如此

豈其德薄者所能克堪囂自知失河西之助族禍將及

欲設間離之說亂惑其心轉相解構以成其姦又京師

百僚不曉國家及將軍本意多能採取虛偽誇誕妄談

令忠孝失望傳言乖實毀譽之來皆不徒然不可不思

今關東盜賊已定大兵今當悉西將軍其抗厲威武以

應期會融被詔即與諸郡守將兵入金城後融歸朝拜

冀州牧尋遷大司空

十月好時候耿弇等擊破張步軍於臨淄步走還劇帝

勞軍至臨淄謂弇曰田橫烹酈生及田橫降高帝詔衛

尉不聽為仇張步前亦殺伏隆

仁年帝遣隆論步步殺之

若步來歸

命吾當詔大司徒釋其怨

大司徒湛即隆父

步乃肉袒負斧鑕

於軍門封安兵侯

十二月西州大將軍隗囂遣長子恂入侍帝以為胡騎

校尉封鐫羗侯

鐫謂鐫鑿

六年帝與公孫述書曰圖讖言公孫即宣帝也代漢者

欽定四庫全書

晉府元龜
卷一百六十三

九

當途高君豈高之身邪

一云先武與述書曰冰赤者書也姓當途其名高也

乃復

以掌文為瑞

時述妄引讖記乃刻其掌文曰公孫帝也

王莽何足效乎君非

吾賊臣亂子倉卒時人皆欲為君事耳何足數也君日

月已逝妻子少當早為定計可以無憂天下神器不可

力爭宜留三思署曰公孫皇帝述不答是年隗囂使周

游詣關先到馮異營游為仇家所殺帝遣衛尉鉞期持

珍寶繒帛賜囂期至鄭被盜

鄭今華州縣是

亡失財物帝稱囂

長者務欲招之聞而歎曰吾與隗囂事欲不諧使來見

殺得賜道亡帝復使來歙至汧陽賜隗囂書曰昔柴將軍

與韓信書云

柴將軍柴武也韓信韓王也信入匈奴武與韓書也

陛下寬仁諸侯

雖有亡叛而後歸輒復位號不誅也以囂文吏曉義理

故復賜書深言則似不遜略言則事不決今若束手復

遣恂弟歸闕庭者則爵祿獲全有浩大之福矣

浩亦大也

年垂四十在兵中十歲厭浮語虛辭即不欲勿報

七年以隗囂所署明威將軍王遵為大中大夫遵字子

春霸陵人雖與囂舉兵而常有歸漢意囂既稱臣於公

欽定四庫全書

冊府元龜
卷一百六十三

孫述帝因令來歙以書詔遵乃與家屬東詣京師拜為

大中大夫封尚義侯

一云遵降封乙誰侯

是冬盧芳

臣欽若等曰芳王莽末起

兵為西平匈奴單于立為漢帝

所置朔方太守田颯雲中太守喬扈各

舉郡降帝令領職如故

八年隗囂大將十三人眾十餘萬降囂奔西城帝復詔

告隗囂曰若束手自詣父子相見保無他也高皇帝云

橫來大者王小者侯若遂欲為黥布者亦自任也

十二年公孫述弟恢及子壻史興並為大司馬吳漢輔

威將軍臧宮所破戰死自是將帥恐懼日夜離叛述雖

誅滅其家猶不能禁帝必欲降之乃下詔諭述曰往年

詔書北下開示恩信勿以來歙岑彭受害自疑今以時

自詣則家族完全若或不論委肉虎口痛哉奈何將帥

疲倦吏士思歸不樂久相屯守詔書手記不可數得朕

不食言述終無降意

是歲盧芳將隨昱欲脅芳降芳知心膂內潰遂亡入匈奴

其眾盡歸昱乃隨使者程恂詣關叙昱為五原太守

欽定四庫全書

冊府元龜
卷一百六十三

封鐫胡侯昱弟慮武侯

十六年盧芳入居高柳

縣名故城在定襄縣

與閔堪兄林使使請

降乃封芳代王堪為代相林為代太傅賜繒二萬疋因

使知和集匈奴

魏太祖為漢大將軍建安四年四月圍射於長楊故長

史薛洪河內太守繆尚率眾降封為列侯

十一月張繡率眾降封為列侯

十二月袁術所署盧江太守劉勲率眾降封為列侯

八年十月袁尚將呂曠呂詳叛尚屯陽平率其眾降封

為列侯

是年吳以太史慈為建昌都尉治海昏太祖具名遺慈書以篋封之發省無所道而但貯當歸

十年正月袁熙大將焦觸張南等叛攻熙熙并弟尚奔

三郡烏丸觸等舉其縣降封為列侯

四月黑山賊張燕率其眾十餘萬降封為列侯

十三年七月太祖征劉表八月表卒其子琮嗣屯襄陽

大將蒯越從事中郎韓嵩東曹掾傅巽等說琮歸太祖

後太祖軍到襄陽琮舉州降太祖以琮為青州刺史封

欽定四庫全書

冊府元龜
卷一百六十三

十三

列侯蒯越等侯者十五人越為光祿勳韓嵩大鴻臚鄧

義侍中劉先尚書令其餘多至大官又以表大將文聘

為江夏太守使統本兵

十六年十月北征楊秋圍安定秋降復其爵位使留撫

其民人

二十年七月破漢中賊帥程銀侯選詣太祖降皆復官

爵銀選及李堪皆河東人興平之亂各有眾千餘家並

與馬超合超破走堪臨陣死銀選南入漢中至是來降

十一月張魯自巴中將其餘眾降封魯及五子皆為列侯

文帝初為魏王延康元年五月馮翊山賊鄭甘王炤率

眾降皆封列侯

魏書曰初鄭甘王炤及盧水胡率其屬來降王得降書以示朝曰前欲有令吾

討鮮卑者吾不從而降又有欲使吾及今秋討盧水胡者吾不聽今又降昔魏武侯一謀而當有自得之色見

譏李愷吾今說此非自是也徒以為生而降之其功大於動兵革也

七月蜀將孟達率眾降帝自筆手令曰吾前遣使宣國

威靈而達即來吾惟春秋褒儀父即封并遣使還領新

欽定四庫全書

冊府元龜
卷一百六十三

十三

城太守近復有扶老攜幼首向王化者吾聞風沙之民

自縛其君以歸神農幽國之眾襁負其子而入鄴錫斯

豈區略迫脅之所致哉乃風化動其情而仁義感其衷

歡心內發使之然也以此而推西南將萬里無外權備

將與誰守死乎

臣欽若等曰權備謂吳蜀主也

黃初三年八月蜀大將黃權及嶺南郡太守史邵等三

百一十八人詣荊州刺史奉上所假印綬榮戰幢麾牙

門鼓車權等詣行在所在帝置酒設樂引見於承光殿

權郤等人前自陳帝為論說軍旅成敗去就之分諸將無不喜悅賜權金帛車馬衣裘帷帳妻妾下及偏裨皆有差拜權為侍中鎮南將軍封列侯即日詔使驂乘及封史郤等四十二人皆為列侯為將軍郎將者百餘人

明帝大和二年蜀將諸葛亮寇邊帝幸長安露布天下并班告益州曰劉備背恩自竄巴蜀諸葛亮棄父母之國阿殘賊之黨神人被毒惡積身滅亮外慕立孤之名

欽定四庫全書

蜀府元龜
卷一百六十三

十四

而內貪專擅之實劉升之兄弟空城而已亮又悔易益土虐用其民是以利狼宕渠高定清羗莫不瓦解為亮仇敵而亮反表負薪裹盡毛殫則趾適屢刻肌傷骨反更稱說自以為能行兵於井底游步於牛蹄自朕即位三邊無事猶哀憐天下數遭兵革且欲養四方之耆老長後生之孤幼先移風於禮樂次講武於農隙置亮度外未以為虞而亮懷季熊愚勇之智不思荆邯度德之戒驅畧吏民盜利祁山王師方振膽破氣奪馬謖高祥

望旗奔敗虎臣逐北蹈尸涉血亮也小子震驚朕師猛銳踴躍咸思長驅朕惟率土莫非王臣師之所處荆棘生焉不欲使十室之邑忠信貞良與夫淫昏之黨同受塗炭故先開示以昭國誠勉思變化無滯亂邦巴蜀將吏士民諸為亮所劫追公卿已下皆聽束手

是年魏興太守申儀來朝拜樓船將軍在禮請中初儀兄耿漢末在西平上庸間聚數千家後與張魯通又遣使詣太祖加其號為將軍因使領上庸都尉至建安末

欽定四庫全書

蜀府元龜
卷一百六十三

十五

為蜀所攻以其郡西屬黃初中儀復來還詔即以兄散號加儀因拜魏興太守封侯後與新城太守孟達不和數上言達有二心於蜀及達反儀絕蜀道使救不到達死後儀詣宛見司馬宣王勸使來朝故有是命一云儀久在魏與專威疆場輒承制刻印多所假綬孟達既誅自有疑心時諸郡守以司馬宣王新克捷奉禮求賀皆聽之宣王使人諷儀儀至問承制狀執之歸于京師

青龍元年遼東太守公孫淵通於孫權國家知淵兩端而恐遼東吏民為淵所誤故公文下遼東因赦之曰告

遼東玄菟將校吏民逆賊孫權遭遇亂階因其先人劫掠州郡遂成羣凶自擅江表含垢藏疾冀其可化故割地王權使南面稱孤位以上將禮以九命權親又手北面稽顙假人臣之寵受人臣之榮未有如權者也狼子野心告令難移卒歸反覆背恩叛主滔天逆神乃敢僭號恃江湖之險阻王誅未加比年已來復遠遣樓船越渡大海多持貨物誑誘遼民遼民無知與之交關長吏以下莫肯禁止至使周賀浮舟百艘沈滯津岸貿遷有

欽定四庫全書

謝府元龜
卷一百六十三

十六

成敗書傳所載也江南海北有萬里之限遼東君臣無怵惕之患利則義所不利貴則義所不貴此為厭安樂之居求危亡之禍賤忠貞之節重背叛之名蠻貊之長猶知愛禮以此事人亦難為顏且又宿舒無罪擠使入吳奉不義之使始與家訣涕泣而行及至賀死之日覆衆成山舒雖脫死魂魄離身何所逼迫乃至於此今忠臣烈將咸忿遼東反覆攜貳皆欲乘桴浮海期於肆志朕為天下父母加念天下新定既不欲勞動干戈遠涉大川費役如彼又悼遼陸遺餘黎民迷誤如此故遣郎中衛慎邵瑁等且先奉詔示意若股肱忠良能效節立信以輔時君反邪就正以建大功福莫大焉儻恐自嫌已為惡逆所見染污不敢倡言永懷伊戚其諸與賊使交通皆赦除之與之更始是歲公孫淵斬送孫權所遣使張彌許晏首帝於是拜淵大司馬封樂浪公持節領郡如故

欽定四庫全書

謝府元龜
卷一百六十三

十七

高貴鄉公甘露二年六月乙巳詔吳使持節都督夏口

將軍事鎮軍將軍沙羨侯孫壹賊之枝屬位為上將畏天知命深鑒禍福翻然與眾遠歸大國雖微子去殷樂毅遁燕無以加之其以壹為侍中車騎將軍假節交州牧吳侯開府辟召儀同三司依古侯伯八命之禮袞冕赤舄事從豐厚

陳留王咸熙元年九月辛未詔曰吳賊政刑暴虐賦歛無極孫休遣使鄧句勅交趾太守鎖送其民發以為兵吳將呂興因民心憤怒又承王師平定巴蜀即糾合豪

欽定四庫全書

冊府元龜
卷一百六十三

十八

傑誅除句等驅逐太守長史撫和吏民以待國命九真日南郡聞興去逆即順亦齊心響應與興協同興移書日南州郡開示大計兵臨合浦告以禍福遣都尉唐譜等詣進乘縣因南中都督護軍霍弋上表自陳又交趾將吏各上表言興創造事業大小承命郡有山寇入連諸郡懼其計異各有攜貳權時之宜以興為督交趾諸軍事上大將軍定安縣侯乞賜褒獎以慰遘荒乃心款誠形於辭旨昔儀父朝魯春秋所美竇融歸漢待以殊

禮今國威遠震撫懷六合方包舉殊裔混一四表興首向王化舉眾稽服萬里馳義請吏帥職宜加寵遇崇其爵位既使興等懷忠感悅遠人聞之必皆競勸其以興為使持節都督交州諸軍事南中大將軍封定安縣侯得以便宜從事先行後上策命未至興為下人所殺

十月丁亥詔曰昔聖帝明主靜亂濟世保大定功文武殊塗勲烈同歸是故或舞干戚以訓不庭或陳師旅以威暴慢至於愛民全國康惠庶類必先脩文教示之軌

欽定四庫全書

冊府元龜
卷一百六十三

十九

儀不得已然後用兵此盛德之所同也往者季漢分離九土顛覆劉備孫權乘間作禍三祖綏寧中夏日不暇給遂使遺寇僭逆歷世幸賴宗廟威靈宰輔忠武爰發四方拓定庸蜀役不浹時一征而克自頃江表衰弊刑政荒闇巴漢平定孤危無援交荆揚越靡然向風今交趾偽將呂興已帥三郡萬里歸命武陵邑侯相嚴等糾合五縣請為臣妾豫章廬陵山民舉眾叛吳以助北將軍為號又孫休病死主帥改易國內乖違人各有心偽

將施績賊之名臣懷疑自猜深見忌惡衆叛親離莫有固志自古及今未有亡徵若此之甚若六軍震曜南臨江漢吳會之域必扶老攜幼以迎王師必然之理也然興動大衆猶有勞費宜告諭威德開示仁信使知順附和同之利相國叅軍事徐紹水曹掾孫或昔在壽春並見虜獲紹本偽南陵督才質開壯或孫權支屬忠良見事其遣紹南還以或為副宣揚國命告諭吳人諸所示

語皆以事實若其覺悟不損征伐之計蓋廟勝長美自

欽定四庫全書

冊府元龜
卷一百六十三

子

古之道也其以紹兼散騎常侍加奉車都尉封都亭侯或兼給事黃門侍郎賜爵關內侯紹等所賜妾及男女家人在此者悉聽自隨以明國恩不必使還以開廣大信

晉武帝泰始八年吳西陵督步闡來降拜衛將軍開府儀同三司封宜都公

咸寧二年六月吳京下督孫階帥衆來降以為車騎將軍封丹陽侯

成帝時涼州牧張駿遣護羗叅軍陳寓從事徐尠華馭等至京師征西大將軍庾亮上疏曰陳寓等冒險遠至宜蒙銓叙詔除寓西平相尠等為縣令

孝武帝時涼州牧張天錫既降苻堅後堅寇淮南大敗于淮肥時天錫為苻融征南司馬於陣歸國詔曰昔孟明不替終顯厥功豈以一眚而廢才用其以天錫為散騎常侍左員外

後魏道武皇始二年二月幸陽城大破慕容寶衆寶所

欽定四庫全書

冊府元龜
卷一百六十三

子

署尚書閔亮秘書監崔逞太常孫沂殿中侍御史孟輔等並降降者相屬賜拜職爵各有差初其將張驤李况慕容文等先來降尋皆亡還是日復獲之皆赦而不問三月慕容寶走和龍寶燕郡太守高湖率戶三千歸國帝賜爵東阿侯加右將軍總代東諸部

五月以中山城內為慕容普隣所脅而大軍迫之欲降無路乃密招諭之是歲寶鉅鹿太守高嘗率郡降賜爵經縣侯加龍驤將軍仍守鉅鹿以寶唐郡內史遼東公

子文括第一客是時代人薛達顯自姚萇率部落歸國
帝嘉其忠欵賜爵聊城侯散員大夫待以上客之禮達
顯閑雅恭慎帝深器之

明元太常二年八月宋滅姚泓渤海刁雍等歸國上表
陳誠於南境自効帝許之假雍建義將軍

十二月詔河東河內有姚泓子弟播越民間能有送致
京師者賞之

七年山陽公奚斤南討軍至潁川宋陳留太守嚴稜率

欽定四庫全書

謝府元龜
卷一百六十三

三

文武五百人詣斤降驛送稜朝帝於冀州嘉其誠欵拜
平遠將軍賜爵郃陽侯假荊州刺史隨駕南征還為上
客是時赫連昌寧東將軍費駿率衆來降拜龍驤將軍
賜爵健為公

大武神麴四年二月冠軍將軍安頡等平滑臺擒宋將
朱修之帝善其固守授以內職以宗室女妻之

延和元年七月代和龍馮跋石城太守李崇率十餘郡
歸降帝甚禮之呼曰李公以崇為平西將軍北幽州刺

史固安侯

是年河西王禿髮傉檀子保周棄沮渠蒙遜來奔以保
周為張掖公

太延五年九月西征涼士乞伏西秦大夏鎮將嘗但子
爽與兄仕國歸欵軍門帝嘉之賜仕國爵五品顯美男
爽為六品拜宣威將軍

太平真君元年八月沮渠無諱降尋拜為征西大將軍
涼州牧酒泉王

欽定四庫全書

謝府元龜
卷一百六十三

三

三年四月涼武昭王孫李寶據燉煌遣使內附十二月
遣使授寶使持節侍中都督西垂諸軍事鎮西大將軍
開府儀同三司領護西戎校尉沙州牧燉煌公仍鎮燉
煌四品以下聽承制假授寶隴西狄道人伯父歆為沮
渠蒙遜所滅寶徙於姑臧歲餘隨舅唐契北奔伊吾臣
於蠕蠕其遺民歸附者稍至二千寶傾身禮接甚得其
心衆皆樂為用每希報雪屬帝遣將討沮渠無諱於燉
煌無諱捐城遁走寶自伊吾南歸燉煌遂修繕城府規

復先業遣弟懷達奉表歸誠帝嘉其忠款故有是拜仍以懷達為散騎常侍燉煌太守

十一年十一月南伐至鄒山太守鉅平人羊祉與魯郡太守崔耶利及其屬縣徐遜愛猛之等俱降賜祉爵鉅平子拜鴈門太守是時合鄉令張忠歸降賜爵新昌男拜新興太守高育為馮文通建德令值太武東封率其所部五百餘家歸命軍門帝授以建德將軍齊郡建德二郡太守賜爵服如子

欽定四庫全書

御府元龜
卷一百六十三

三十四

獻文即位初遼東高崇歸國賜爵陽關男居遼東詔以沮渠牧犍女賜潛為妻封武威公主拜駙馬都尉

天安元年九月宋徐州刺史薛安都以彭城內屬宋將張允沈攸之繫安都詔北部尚書尉元為鎮戍大將軍都督諸軍事孔伯恭為副出東道救彭城時宋明帝自立羣情不協共立前廢帝弟晉安王子勛安都與沈文秀崔道固常珍奇等舉兵應之明帝遣將張永等討安都安都遣使來降請兵救援帝召羣臣議之羣官咸曰

昔世祖嘗有并儀隆之心臣欽若等曰世祖太祖謚儀隆宋文帝名故親御

六軍遠臨江浦今江南阻亂內外離心安都今者求降千載一會機事難遇時不可逢取亂侮亡於是乎在帝納之安都又遣第四子道次為質并與李敷等書絡繹相繼乃遣尉元等率騎一萬赴之拜安都使持節散騎常侍都督徐南北兖州青冀五州豫州之梁郡諸軍事鎮南大將軍徐州刺史賜爵江東公勅安都之子散騎常侍駙馬都尉拔詣彭城勞迎除拔冠軍將軍南豫州

欽定四庫全書

御府元龜
卷一百六十三

三十五

刺史

十一月宋兖州刺史畢眾敬遣使內屬

皇興元年閏正月宋青州刺史沈文秀冀州刺史崔道固竝遣使請舉州內屬詔平都將軍長孫陵南平將軍侯窮奇赴援之

二年二月鎮東大將軍尉元討徐州羣盜平之宋冠軍將軍東徐州刺史張譙順於元元亦表授冠軍東徐州刺史遣中書侍郎高閭與譙對為刺史

是年薛安都與畢眾敬朝于京師見大禮重子姪羣從

竝處上客皆封侯至于門生無不收敘焉又為起第宅

館宇崇麗資給甚厚安都從祖弟真度初與安都南奔

及安都為徐州真度為長史頗有勇幹為其爪牙從安

都來降為上客眾敬弟眾愛隨兄歸國以勲為第一客

賜鉅平侯眾敬子元賓爵須昌侯加平遠將軍是時清

河司馬房法壽與弟從井州刺史崇吉及冀州刺史崔

道固兗州刺史劉休賓俱至京師以法壽為上客崇吉

欽定四庫全書

爵府元龜
卷一百六十三

五十六

為次客崔劉為下客法壽供給亞於薛安都等以功賜

爵莊武侯加平遠將軍給以田宅奴婢

孝文泰和十七年齊尚書左僕射王奐子肅以其父及

兄弟俱為齊武所殺乃自建業來奔帝虛襟待之除輔

國將軍長史賜爵闕陽伯肅固辭伯爵許之

十八年十月詔曰比聞緣遑之蠻多有竊掠致有父子

乖離室家分絕既虧和氣有傷仁厚朕渾一區宇子育

萬姓若苟如此南人豈知朝德哉可詔荆郢東三州勒

勅蠻民勿有侵暴

十九年二月車駕至鍾離軍士擒齊卒三千帝曰在君

為君其民何罪於是免歸是年拜光城蠻酋田益員外

散騎常侍都督光城弋陽汝南新蔡宋安五郡諸軍事

冠軍將軍南司州刺史光城縣開國伯食蠻邑一千戶

以益宗十七年自齊歸欵故也

二十二年南討既克宛外城命舍人公孫延景宣詔於

南陽太守房伯玉曰天無二日土無兩主是以躬總六

欽定四庫全書

爵府元龜
卷一百六十三

五十七

師蕩一四海宛城小戎豈足以懟抗王威深可三思封

侯胙土事在俯仰伯玉對曰外臣最荷國恩忝任疆境

為臣之道未敢聽命伏惟遊蠻遠涉願不損神又遣謂

曰朕親率麾旆遠涉清江此之小戎豈足徘徊王師但

戎路所經纖介須珍宜量力三思自求多福且蒙蕭願

殊常之眷曾不懷恩報以塵露蕭鸞妄言入繼道成願

子了無子遺卿不能建忠烈於君親返立節於逆豎卿

之罪一又頃年傷我偏師卿之罪二今鑒旆親戎清一